



Broj: 02/06-04-012901-6-3/25

Datum: 24.06.2025. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14, 59/22 i 50/24), Sekretar Ureda za zajedničke poslove kantonalnih organa, donosi:

ODLUKU

o poništenju postupka javne nabavke za nabavku i isporuku energenata za zagrijavanje prostorija (LOT 3 –asortiman lignit)

Član 1.

Prihvata se preporuka Komisije za javnu nabavku iz Zapisnika o ocjeni ponuda broj: 02/06-04-012901-5-3/25 od 18.06.2025. godine u postupku javne nabavke i isporuke energenata za zagrijavanje prostorija (LOT 3 –asortiman lignit) i poništava se postupak postupak javne nabavke i isporuke energenata za zagrijavanje prostorija (LOT 3 –asortiman lignit), u skladu sa članom 69. stav (1) tačka b) i stav (2) tačka d) Zakona o javnim nabavkama, jer nijedna dostavljena ponuda nije prihvatljiva.

Član 2.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/06-04-012901/25 od 29.04.2025.godine.

Javna nabavka je provedena putem otvorenog postupka. Izbor ponuđača izvršen je na osnovu kriterija najniža cijena.

Procijenjena vrijednost javne nabavke za LOT 3 bila je 36.080,00 KM (bez PDV-a). Obavještenje o nabavci broj: 1116-1-1-16-3-32/25 objavljeno je na Portalu javnih nabavki 30.04.2025. godine.

Komisija za javnu nabavku imenovana izvršila je otvaranje ponuda dana 18.06.2025. godine. Nakon izvršenog vrednovanja, Komisija je ugovornom organu dostavila Zapisnik o ocjeni ponuda broj: 02/06-04-012901-5-3/25, koji ujedno predstavlja preporuku o poništenju postupka predmetnog lota, kao i izvještaj o radu komisije u postupku predmetne javne nabavke.

Iz Zapisnika o ocjeni je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri);
- da je blagovremeno zaprimljeno 3 (tri) ponude;
- da nema neblagovremeno zaprimljenih ponuda;

- da su ponude ponuđača: „Harmeli“ d.o.o. Banovići, „Erax-Invest“ d.o.o. i „LD Company“ d.o.o. nepravilne, u vezi s čim su odbačene, jer ne ispunjavaju uslove iz tenderske dokumentacije.

Ponuđač „LD Company d.o.o.“ je dostavio ponudu broj: 16-06/25 od 16.06.2025. godine, koja nije u skladu sa tačkom 15.3 Tenderske dokumentacije, gdje je navedeno: „*Ponuda se čvrsto uvezuje na način da se onemogući naknadno vađenje ili umetanje listova. Original i kopija ponude trebaju biti otkucani ili napisani neizbrisivom tintom. Svi listovi ponude moraju biti čvrsto uvezani sa numerisanim stranicama. Bitno je istaći da je suština čvrstog uvezivanja ponuda da se pokuša osigurati da se ponuda ne „rasipa“ odnosno da se stranice ponude ne mogu izvlačiti ili mijenjati. U skladu sa stavom Agencije za javne nabavke BiH pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom. Pod čvrstim uvezom se ne podrazumijeva **uvez spiralno**, ponuda dostavljena u plastičnoj fascikli, uvezana klamericom ili neki sličan način koji omogućava nesmentano mijenjanje stranice ponude. U slučaju da ponuđač uveže ponudu na jedan od navedenih načina, uvez mora biti dodatno osiguran jamstvenikom. Što se tiče kopija ponude, navedene trebaju biti uvezane na način da osiguravaju da se listovi ponude ne rasipaju (kao što je naprijed navedeno) te obzirom da se radi o kopiji ponude nije potrebno osiguranje jamstvenikom. Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje listova*“. Naime, navedeni ponuđač je dostavio ponudu koja nije čvrsto uvezana, već je uvezana spiralnim uvezom i nije osigurana jamstvenikom na pravilan način. Jamstvenikom su obuhvaćene samo pojedine stranice ponude koje se odnose na Aneks II, a što omogućava rasipanje ponude, kao i izvlačenje stranica iz ponude, što nije u skladu sa uvjetima iz tenderske dokumentacije, kao ni sa članom 8. Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15). Dakle, zbog navedenog nije postupljeno prema odredbama tenderske dokumentacije te je stoga ponuda odbačena u skladu sa članom 68. stav (4) tačke i) ZJN jer nije potpuna i ne ispunjava zahtjeve iz tenderske dokumentacije.

Ponuda ponuđača „Erax Invest“ d.o.o. broj: 080-D/25 od 16.06.2025. godine ne ispunjava uvjete za kvalifikaciju iz tačke 13.1 c) Sposobnost obavljanja profesionalne djelatnosti tenderske dokumentacije, gdje je traženo da se kao dokaz tehničke i profesionalne sposobnosti dostavlja dokument izdat od strane rudnika iz kojeg će se isporučivati ugalj, koji sadrži minimalno sljedeće podatke:

- Naziv asortimana uglja na koji se dokument odnosi iz Aneksa III za lot za koji se dostavlja ponuda i

- Minimalna toplotna snaga uglja iz Aneksa III za lot za koji se dostavlja ponuda.

Dokument može biti obična kopija s tim da datum izdavanja originala **ne smije biti stariji od 12 (dvanaest) mjeseci računajući od krajnjeg roka za dostavljanje ponuda**. Navedeni ponuđač je kao dokaz o sposobnosti obavljanja profesionalne djelatnosti dostavio proizvođačku specifikaciju sa informativnim podacima o kvalitetu uglja, koja je isprintana sa web stranice Rudnika uglja „Kreka“ d.o.o. Tuzla kao proizvođača, a koja ne sadrži datum izdavanja dokumenta, što nije u skladu sa uvjetima iz tenderske dokumentacije. Dakle, zbog navedenog nije postupljeno prema odredbama tenderske dokumentacije te je stoga ponuda odbačena u skladu sa članom 68. stav (4) tačke i) ZJN jer nije potpuna i ne ispunjava zahtjeve iz tenderske dokumentacije.

Ponuda ponuđača „Harmeli d.o.o.“ broj: 240/25 od 12.06.2025. godine ne ispunjava uvjete za kvalifikaciju iz tačke 13.1 c) Sposobnost obavljanja profesionalne djelatnosti tenderske dokumentacije, gdje je traženo da se kao dokaz tehničke i profesionalne sposobnosti dostavlja dokument izdat od strane rudnika iz kojeg će se isporučivati ugalj, koji sadrži minimalno sljedeće podatke:

-Naziv asortimana uglja na koji se dokument odnosi iz Aneksa III za lot za koji se dostavlja ponuda i

-Minimalna toplotna snaga uglja iz Aneksa III za lot za koji se dostavlja ponuda.

Dokument može biti obična kopija s tim da datum izdavanja originala **ne smije biti stariji od 12 (dvanaest) mjeseci računajući od krajnjeg roka za dostavljanje ponuda**. Navedeni ponuđač je kao dokaz o sposobnosti obavljanja profesionalne djelatnosti dostavio proizvođačku specifikaciju sa informativnim podacima o kvalitetu uglja, koja je isprintana sa web stranice Rudnika uglja „Kreka“ d.o.o. Tuzla kao proizvođača, a koja ne sadrži datum izdavanja dokumenta. Navedeni ponuđač je dostavio i Zahtjev za izdavanje dokumenta o karakteristikama uglja broj: 244/24 od 01.07.2024. godine, koji je upućen prema Rudniku uglja „Kreka“ d.o.o. Tuzla, kao i Izjavu u kojoj se navodi da ponuđač nije dobio povratnu informaciju od Rudnika uglja „Kreka“ d.o.o. Tuzla., ali nije dostavio dokaz o povratnoj informaciji od rudnika da isti ne izdaje tražene potvrde, zbog čega je navedena ponuda odbačena kao nepravilna u skladu sa članom 68. stav (4) tačke i) ZJN.

Obzirom da je održavanje e-aukcije bilo predviđeno tenderskom dokumentacijom, ali da nijedna od dostavljene 3 (tri) ponude nije prihvatljiva, e-aukcija se nije mogla ni zakazati shodno članu 4. stav (2) Pravilnika o uslovima i načinu korištenja e-aukcije („Službeni glasnik BiH“ broj: 80/23).

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je poništenje postupka predmetnog lota izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



Za **SEKRETARA**

Zdenka Marijanović

Zdenka Marijanović, dipl. pravnik

Dostaviti:

- „Harmeli“ d.o.o. Banovići
- „Erax-Invest“ d.o.o.
- „LD Company“ d.o.o
- a/a